

МЕСЯЦА ИУНИА В 24-Й ДЕНЬ.

**РОЖДЕСТВО ЧЕСТНАГО СЛАВНАГО ПРОРОКА,
ПРЕДТЕЧИ И КРЕСТИТЕЛЯ ИОАННА.**

НА МАЛЕЙ ВЕЧЕРНИ

стихиры на 4, глас 4:

Подобен: Званный свыше:

Из неплодныя родился еси утробы, / разрешивый неплодие сердец наших, / и благочадие в вере же / и истине душам неплодным слово даруя, / славный Предтече пришествия Христова: / глас Слова благознаменитый, / покаяния прознаменатель велегласный: / ветхаго же и новаго Божественный ходатай, / яве познаваемъ: / егоже Рождество любовью празднуем веселящеся. **[Дважды]**

Упитанный ныне воздержания телец, / от неплодныя родися, / показуя нам от Девы Отроковицы Агнца рождена, / и мiра вземлющаго согрешения, / горлица пустынелюбная яве возсия, / божественную весну возвещающая, / имже преста безбожия зима лютая, / и Жениха друг искренний светло прииде, Иоанн, / моля спастися душам нашим.

Иже по Божественному рождся обетованию: / егда пречудный и великий Архангел, / в церкви родителю твоему молящуся, / благовествова твое рождение, / тогда неверующу, и прекословящу священнику, / якоже пишет, безгласие Гавриил наведе и оглохновение, / даже до рождества, ты же Предтече, / от отца рождся, / соуз языка свободил еси блаженне, / и молишися о всех нас.

Слава, глас 8, самогласен:

Подобает Иоанну благовоние, / подобает Крестителю песней красота: / сей бо пропевае начаток нашего спасения, / възгравыйся во чреве, и вопия в пустыни: / покайтесь, Царев воин, Предтеча благодати, / Агнца провозвещающая, / и Спаса моля о душах наших.

И ныне, Богородичен:

Царь Небесный, за человеколюбие на земли явися, / и с человеки поживе: / от Девы бо Чистыя плоть приемый, / и из Нея прошедый с восприятием. / Един есть Сын, сугуб естеством, / но не Ипостасию. / Темже совершенна Того Бога и совершенна Человека / воистину пропевающе, / исповедуем Христа Бога нашего: / Егоже моли Мати Безвестная, / помиловатися душам нашим.

На стиховне стихиры, глас 2:

Подобен: ДOME Евфрафов:

Уясни твой язык светло Захарие, / пророк отроча Божий / будет возопив, / и Слова Божественнаго Предтеча.

Стих: Благословен Господь Бог Израилев, яко посети и сотвори избавление людем Своим.

Явился еси, от матерних ложесн Иоанне, / Богу освящен: / не воста бо болий в человецех, / никтоже паче тебе нигдеже.

Стих: И ты отроча пророк Вышняго наречешися.

Разрешил еси отчее, / преблаженне, безгласие: / якоже безчадства ключи разрешил еси рождшия, / родився от божественныя благодати.

Слава, и ныне, глас 8:

Виждь Елисавет, к Девей Марии глаголющу: / что пришла еси ко мне Мати Господа моего? / Ты Царя носиши, и аз воина: / Ты Законодавца, и аз законоположителя: / Ты Слова, и аз глас, / проповедающ Царство Небесное.

Тропарь, глас 4:

Пророче и Предтече пришествия Христова, / достойно восхвалити тя недоумеем мы, любовию чтущии тя: / неплодство бо рождшия и отчее безгласие разрешися, / славным и честным твоим Рождеством, / и воплощение Сына Божия мірови проповедуется.

Слава, и ныне, Богородичен:

Еже от века утаенное, / и ангелом несведомое таинство: / Тобою Богородице сущым на земли явися Бог, / в неслитном соединении воплощаемь, / и крест волею нас ради восприим, / имже воскресив первозданнаго, / спасе от смерти души наша.

НА ВЕЛИЦЕЙ ВЕЧЕРНИ

По обычном псалме поем: Блажен муж, 1-й антифон.

На Господи воззвах, стихиры, на 8, глас 4:

Самогласны. [Иоанна монаха:]

Разрешает Захариино / молчание рождейся Иоанн, / ибо не подобаше отцу молчати, пришедшу гласу: / но якоже неверовавшу первее, язык связа: / сице явльшуся дати отцу свобождение. / Емуже и благовестися, и родися глас Слова, и Света Предтеча, / моля о душах наших. **[Дважды]**

Днесь глас слова, / глас за неверие держимый разрешает отечь, / и церкви являет благочадие, / соузы неплодствия разрешая матерни: / светильник света предгрядет. / Заря солнца правды возвещает пришествие, / в создание всех, / и спасение душ наших.

[Анатолия:]

Божию Слово хотящу от Девы родитися, / ангел от старческих чресл происходит, / великий в рожденных женами, и пророков превышший: / подобаше бо Божественных вещей преславным / быти началом, / кроме возраста исчадие, / и без семене зачатие. / Творяй чудеса во спасение наше, слава Тебе.

[Андреа Критскаго:]

Явися днесь великий Предтеча, / от неплодных ложесн Елисавети произшед, / болий всех пророков пророк, и ин несть, / ниже воста, яко Предтечи светильнику, / Свет последова Пресветлый, и гласу Слово, и невестоводцу Жених. / Готовящему Господеви люди изрядныя и предъочищающу при Дусе водою: / Захаринно прозябение, и пустыни доброе воспитание, / покаяния проповедник, / очищение согрешений, / сущым во аде благовествуяй из мертвых востание, / и моля о душах наших.

Пророк и Предтеча из утробы явился еси, / Христов Крестителю Иоанне, / играя и радуяся во чреве матерни, / зря Царицу пришедшу к рабе, / носящую Безлетнаго, / и от отца без матере, / к тебе от неплодных и старца по обетованию возсиявшему. / Того моли помиловати души наша.

О преславнаго чудесе! / Иже слову ангела неверовавый глаголющу, / яко зачнет Елисавет, и родит сына, / глаголя: како тая родит? / зане аз заматерех, и оныя удеса умертвишася: / осудивыйся молчати за неверие, / днесь зрит раждаемо обещанное, / и молчания разрешся, в веселие входит, / благословен, вопия, Господь Бог Израилев, / яко посети и сотвори избавление людем своим, / подаяй мірови велию милость.

Иоанне прехвальне, / и вселенский апостоле, / Гавриилово благовествование, / и неплодных прозябение, / и пустыни доброе воспитание, / и искренний друже Жениха Христа, / Того моли помиловатися душам нашим.

Слава, глас 6.

[Византиево:]

Днесь света светильник предпутие / творит пришествию Божия Слова, / яко звезда светлая. / Днесь Захариин язык уясни, / молчание держав ангелу повелевшу. / Подобаше бо сице отцу, / глас не молчанием хранити, / произшедшу из оутробы неплодныя, / и всего міра избавление / благовествующе со дерзновением многим.

И ныне, глас тойже:

Елисавет зачат Предтечу благодати, / Дева же Господа славы. / Целовастесь обе матери, / и младенец възграся, внутрь / бо раб хваляше Владыку. / Удивившихся же мати Предтечева начат вопити: / откуда мне се, да Мати Господа моего прииде ко мне? / да спасет люди отчаянныя, / имей велию милость.

Вход. Прокимен дне.

Бытия чтение. [Главы 17, 18, 21]

Рече Бог Аврааму: Сара жена твоя не наречется имя ей Сара, но Сарра будет имя ей. Благословлю же ю, и дам тебе от нея чадо и благословлю е, и будет во языки, и царие язык от него изыдут. И паде Аврам на лице своем, и рече в мысли своей: аще столетну родится сын? и Сарра девяност лет сущи, родит? Рече же Бог Аврааму: ей, се Сарра жена твоя родит тебе сына, и наречеши имя ему Исаак. И положу завет мой к нему, в завет вечен. Авраам же и Сарра престаревшася во днех. Возмея же ся Сарра в себе глаголющи: не у ми бысть даже до ныне, господин же мой стар. И рече Господь Бог Аврааму: что яко возмеяся Сарра в себе, глаголющи, убо воистинну ли рожду? аз же состарехся? еда не возможен от Бога всяк глагол? И Господь Бог посети Сарру, якоже глагола: И заченши роди Аврааму сына в старости, якоже глагола ему Господь Бог. Обреза же его в день осмый, якоже заповеда ему Господь Бог. И Авраам бяше лет ста, егда бысть ему Исаак сын его. Рече же Сарра: смех ми сотвори Господь Бог. Иже бо аще услышит, срадуется мне. И рече: кто возвестит Аврааму, яко сосцами питает отроча Сарра, яко родих отроча в старости моей, И возрасте отроча, и преста сосцами питатися. И сотвори Авраам учреждение велие, вонъже день отдоися Исаак сын его.

Судей чтение. [Глава 13]

Во дни оны, бысть муж от колена Данова, и имя ему Маное, и жена его неплоды, и не раждаше. И явися ангел Господень к жене, и рече к ней: се ты неплоды, и во чреве приимеши, и родиши сына. И ныне сохранися, не пий вина и сикера, и не яждь всяко нечисто: зане се ты во чреве приимеши, и родиши сына: и железо не въздет на главу его, яко освященно Богу будет отроча из чрева. И прииде жена, и рече мужу своему, глаголющи: яко человек Божий прииде ко мне и видение его, яко видение ангела Божия светло зело. И рече: се во чреве приимеши, и родиши сына: и ныне не пий вина и сикера, и не яждь всяко нечисто: яко освященно Богу будет отроча из чрева, даже до дне смерти его. И помолися Маное Богу, и рече: ко мне Господи, человек Божий, егоже послал еси к нам, да

приидет убо, и просветит нас, что сотворим отрочати раждающемуся? Прииде же ангел к Маною, и рече: от всех ихже рекох жене твоей да сохранится, елика исходят от винограда, да не яст: и вина и сикера да не пиет. И рече Маное ко ангелу Господню: что имя твое? да егда приидет глагол твой, прославим тя. И рече ему ангел Господень: вскую ты вопрошаеши имене моего? и то есть чудно. И не приложи ктому ангел Господень явится к Маною и жене его.

Пророчества Исаина чтение: [Главы 40, 41, 45, 48, 54]

Тако глаголет Господь: утешайте, утешайте люди моя, глаголет Бог, Священницы глаголите в сердца Иерусалиму, умолите его, яко умножися смирение его: разрешися бо грех его, яко прият из руки Господни сугуба согрешения своя. Глас вопиющего в пустыни: уготовайте путь Господень, правы творите стези Богу нашему. На гору высокую взыди, благовествуяй Сиону, возвышай крепостию глас свой, благовествуяй Иерусалиму. Вознесите, не бойтесь: Аз Господь Бог, Аз услышу убогих Израилев, и не оставлю тех. Но отверзу от гор реки, и посреде поля источники, сотворю пустыню в луг, и жаждущую землю во источники водныя. Да возвеселится небо свыше, и облацы да кропят правду: да возсияет земля, и да прозябнет милость, и правда да возсияет вкупе. Глас веселия возвестите, и услышано да будет, возвестите даже до конец земли. Глаголите, яко избави Господь раба Своего Иакова: и аще вжаждут в пустыни, источит им воду из камене. Возвеселися неплоды не раждающая, расторгни и возопий не болевшая, яко многа чада пустыя паче, нежели имущия мужа.

На литии стихиры самогласны, глас 1:

Искапайте, горы, сладость, / и, холми, яко агнцы възиграйте: / яко родися от Елисавети, / хотяй с нами водворитися Господень / Предтеча, разрешивый в Рождестве отчее безгласие. / Тем и мы вопием ему: / Крестителю Христов, моли спастися душам нашим.

Богознаменитый глас, / света светильник, / Господень Предтеча, / Христом свидетельствованный, первый во пророцех, / о мире молитву творяй, / изрядно стадо твое поминай, / спасти невредимо.

Проповедник был еси Агнца Божия и Слова, / Иоанне пророче и Предтече, / прорицаеши будущая, / и предглаголеши концем: / се Агнец Божий возьмляй мира грехи, / и подаяй всем велию милость.

Слава, глас 5:

[Андреа Критскаго.]

Пророков предел, и начало ангелов, / земнаго ангела, и небеснаго человека, / глас Слова, воина и Предтечу Христова, / от обещания предвыгравшася, / и проповедавши прежде рожества Солнца правды, / днесь Елисавет раждает, и радуется: / и чудится Захариа в старости, / молчание аки узу обложено отложив, / и яко родитель гласа пророчествует явленнейше: / ты бо, отроча, пророк Вышняго наречешися, / и предъидеши пути готовити Ему. / Темже, ангеле, пророче, / апостоле, воине, Предтече, Крестителю, / и проповедниче покаяния, / и наставниче, яко глас Света, / Слова, непрестанно молися о нас, / верою творящих твою память.

И ныне, глас тойже:

Храм и Дверь еси, / Палата и Престол Царев, / Дево Всечистая, / Еюже Избавитель мой, Христос Господь, / во тьме спящим явися, / Солнце Сый правды, / просветити хотя, / яже созда по образу Своему рукою Своею. / Темже, Всепетая, / яко Матерне дерзновение к Нему стяжавшая, / непрестанно моли спастися душам нашим.

На стиховне стихиры самогласны, глас 2.

Иже от пророка пророка, / и неплодныя прозябение, / в рожденных женами превышша всех, / пустыннаго гражданина, Иоанна славнаго, / псалмы и пеньми и песньми духовными восхвалим, / вопиюще к нему: / Крестителю Спасов, и Предтече: / яко имея дерзновение, / в честнем твоём Рождестве, / умоли Христа, даровати мир міру, / и душам нашим велию милость.

Стих: Благословен Господь Бог Израилев, * яко посети и сотвори избавление людем своим.

Прииде глас благодати Слова, / Солнца проповедник, / родивыйся днесь от неплодове безчадныя, / от обетования Иоанн Предтеча: / людие, радуйтесь, / прииде уготовати путь нам спасения, / емуже и выграв поклонися, / во чреве сущу матери, / Агнцу вземлющему грехи міра, / и подающему нам велию милость.

Стих: И ты, отроча, * пророк Вышняго наречешися.

Иже из чрева матерня освящся, / и пророчества прием исполнение, / днесь от неплодныя раждается, / Господне Пришествие проповеда ясно: / покайтесь, приблизися бо Царство Небесное.

Слава, глас 8.

[Кассии монахини:]

Исаии ныне пророка глас, / днесь в большого от пророк рождении Иоанна исполнися: / се бо, рече, послю ангела Моего пред лицом Твоим, / иже уготовит путь Твой пред Тобою. / Сей убо Небеснаго Царя воин предтек. / Яко воистинну правы творяше стези Богу нашему, / человек убо естеством, / ангел же житием сый: / чистоту бо конечно и целомудрие целовав, / имяше убо по естеству, / бежа же яже чрез естество, / паче естества подвизався. / Тому вси вернии добродетельми подобящися, / молити о нас молимся, во еже спасти души наша.

И ныне, глас тойже:

Вижь Елисавет к Деве Марии глаголющу: / что пришла еси ко мне Мати Господа моего? / Ты Царя носиши, и аз воина: / Ты Законодавца, и аз законоположителя: / Ты Слова, и аз глас, / проповедающ Царство Небесное.

На благословении хлебов, тропарь, глас 4, дважды. [писан на малей вечерни:] и Богородице Дево: единожды.

Тропарь, глас 4:

Пророче и Предтече пришествия Христова, / достойно восхвалити тя недоумеем мы, любовию чтущии тя: / неплодство бо рождшия и отчее безгласие разрешися, / славным и честным твоим Рождеством, / и воплощение Сына Божия мірови проповедуется.

Слава, и ныне, Богородичен:

Еже от века утаенное, / и ангелом несведомое таинство: / Тобою Богородице сущым на земли явися Бог, / в неслитном соединении воплощаемь, / и крест волею нас ради восприим, / имже воскресив первозданнаго, / спасе от смерти души наша.

**НА УТРЕНИ,
на Бог Господь, тропарь Предтечи дважды.**

Тропарь, глас 4:

Пророче и Предтече пришествия Христова, / достойно восхвалити тя недоумеем мы, любовию чтущии тя: / неплодство бо рождшия и отчее безгласие разрешися, / славным и честным твоим Рождеством, / и воплощение Сына Божия мірови проповедуется.

Слава, и ныне, Богородичен:

Еже от века утаенное, / и ангелом несведомое таинство: / Тобою Богородице сущым на земли явися Бог, / в неслитном соединении воплощаемь, / и крест волею нас ради восприим, / имже воскресив первозданнаго, / спасе от смерти души наша.

По 1-й кафисме седален, глас 4.

Подобен: Удивися Иосиф:

Ныне прозябе нам Захариин плод, / и веселит разумно мысли верных, / пустынное украшение, и пророков степень: / темже Христов явися Предтеча, / и свидетель неложен пришествия Его. / Духовными убо песньми согласно крестителю возопием: / пророче и проповедниче Истины, моли спастися нам. **[Дважды]**

Слава, и ныне, Богородичен:

Удивися Иосиф, еже паче естества зря, / и внимаше мыслию иже на руно дождь, / в безсеменном зачатии Твоем, Богородице, / купину огнем неопалимую, / жезл Ааронов прозябший, / и свидетельствуя обручник Твой и хранитель священником взываше: / Дева раждает, и по Рождестве паки Девойю пребывает.

По 2-й кафисме седален, глас 8.

Подобен: Премудрости:

Христова пришествия начаток, / преславно родился еси яко воистинну, / Иоанне всехвальне, / пророков главизна, и яко глас Слова сый, взывал еси: / покайтесь, приблизися Царство Небесное. / Темже уготовавый путь Господень, / благодати Предтеча явился еси концем, / Крестителю и Апостоле: моли Христа Бога / прегрешений оставление даровати, / празднующим любовию / святую память твою. **[Дважды]**

Слава, и ныне, Богородичен:

Пресвятая Дево Мати Христова, / души моя страсти лютыя исцели, молюся: / и прощение даруй моим прегрешениям, / ихже безумне содеях, / душу и тело осквернив окаянный. / Увы мне, что сотворю в час он, / внегда ангели душу мою разлучат от страстнаго моего телесе? / Тогда помощница ми буди и предстательница теплейшая: / Тя бо имам надежду раб Твой.

По полиелеи седален, глас 8.

Подобен: Повеленное:

Да радуется отец, мати, возвеселися, / яко пророка на земли родила еси днесь, / Богозванного Предтечу от обещания: / неплоды младенца питает крестителя, / и радуется Захариа рожденному, / глаголя: разрешися язык мой твоим пришествием на землю, / светильниче Великаго Света: / воистинну чудо преславно. [Дважды]

Слава, и ныне, Богородичен:

Благодарим Тя присно, Богородице, / и величаем, Чистая, и поклоняемся, / воспевающе Рождество Твое, Благодатная, / вопиюще непрестанно: / спаси нас, Дево Всемиловитая, яко Благая, / и демонов исхити словоположения страшнаго в час испытания, / да не посрамимся раби Твои.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящии Сиона, / посрамитесь от Господа, / яко трава бо огнем / будете изсохше.

Слава и ныне: / Святым Духом / всяка душа живится, / и чистотою возвышается, / светлеется Троическим Единством священнотайне.

Прокимен, глас 4:

Прокимен: И ты, отроча, * пророк Вышняго наречешися.

Стих: Благословен Господь Бог Израилев, яко посети и сотвори избавление людем Своим.

Всякое дыхание:

Евангелие Луки, зачало 3

По сіхъ же днѣхъ зачатъ елїсавѣтъ женѣ егѡ, и таѡшесѧ мѣтъ пѣтъ, глаголющи: ѡкъ таѡкъ мнѣ сотвори гдѣ во днѣ, въ нѡже призрѣ ѡѡти поношенїе моѡ въ челоѡцѣхъ. елїсавѣти же испѡнисѧ времѧ родити ей, и роди сына. И слышаша ѡкрестъ живѡщїи и ѡужики еѡ, ѡкъ возвеличїи ѣсть гдѣ мѣтъ своѡ съ нѡю: и радѡвахсѧ съ нѡю. И вѣсть во ѡсмѣй дѡнь, прїидѡша ѡбрѣзати ѡтрочѡ, и нарицѡхсѧ ѡ именемъ ѡтцѡ егѡ, захарїю. И ѡѡѡцѡвши мѣти егѡ речѡ: нѣ, но да наречѣтсѧ іѡаннъ. И рѣша къ нѡй, ѡкъ никтоже ѣсть въ родствѣ твоѡмъ, ѡже нарицѡетсѧ именемъ тѡмъ. И помавѡхсѧ ѡтцѡ егѡ, ѣже кѡкъ вы хотѣли наречїи ѡ. И испрѡшь дщїцѡ, написѧ, глагола: іѡаннъ вѡдетъ и мѡ емѡ. И чѡдѡхсѧ всѣ. ѡверзѡшасѧ же ѡустѡ егѡ ѡвѡе и ѡзыкѡ егѡ, и глаголаше благословѡ вѡѡ. И вѣсть на всѣхъ стрѡхъ живѡщїихъ ѡкрестъ и хъ: и во всѡй странѣ іѡдѡйствѣй повѣдаемѣ

бѣхъ всѣ глаголю сїи. **И** положиша всѣ слышавшии въ сердцахъ своихъ, глаголюще: что оубо отроча сїе вѣдетъ; **И** рѣка гдѣна бѣ съ нимъ. **И** захарїа отецъ егò исполниша дѣа сѣа, и пророчествова, глагола: влѣвенъ гдѣ бѣтъ иїлевъ, ѡакъ посѣтити и сотвори избавленїе людемъ своимъ: **И** ты, отроча, пррѡкъ вышняго наречеши: предїдеши бо предъ лицемъ гдѣнимъ, оуготовати пѣти егò, **О**троча же растѣше и крѣплѣшеся дѣхомъ: и бѣ въ пѣстынехъ до дне явленїа своего ко иїлю.

По 50-м псалме стихира, глас 2:

Иже из чрева матеря освящся, / и пророчества прием исполнение, / днесь от неплодныхъ рождается, / Господне Пришествие проповеда ясно: / покайтесь, приближися бо Царство Небесное.

Канона два: Канон первый, творение Иоанна монаха,

со ирмосом на 8, глас 4.

Песнь 1.

Ирмос: Трестаты крепкия, рождейся от Девы, / безстрастия во глубине души тричастное потопи, молюся: / да Тебе яко в тимпане, / во умерщвлении телесе / победное воспою пение.

Яко утро благолепно, солнца предтекий, неплодныхъ прозябение проповедает яве Девы Рождество, всей ныне вселенней, сияет концем просвещение благочестия и благодати.

Пророк Вышняго истинно наречешися: предїдеши бо предъ лицем Христа, вопиет тебе сыну, Иоанне прехвальне, Духом Захарїа Пресвятым носимъ, путь уготовати Зиждителю.

Глаголы Гавриила Захарїа слышав, вещания Божественнаго, явися непокорив: и молчанием осуждается, решится же внезапно от сего: глас бо родися Слова Иоанн Предтеча.

Богородичен: Град Божий, Всецаря Богоприятное селение, сокровище честное, Богородице Пренепорочная, сохрани достояние Твое присно восхваляющее Тя, и чтущее верою Рождество Твое.

Другий канон, творение Андреево, на 6. Глас тойже.

Песнь 1.

Ирмос: Наставльшему древле Израїля, / бежащаго от работы фараоновы, / и в пустыни питавшему, / поим Избавителю Богу нашему: / яко прославися.

Молчание старчо, законнаго писания образ носит таин. Ибо пришедши благодати, Моисей умолча: подобаше бо премудрости сокровищу явльшуся, всем молчати.

В церкви кающе священнику, Ангел предста свыше, вопия: странна Рождества благовестие, приидох тебе нося, старче: примемши бо от неплодове рождения плод, Крестителя Христова.

Что удивился еси, старче? что не веруя стоиши, глаголющему тебе сия? Ангел бо есть вещая, аще и образ носит человекъ: буди нем убо на время, даже до Рождества Слова гласа.

Иже молчание Захаринно, молчанию положив образ, закону написанному, и тем показав ми покаяния проповедника, зовуща: гласа вопиющаго подает неплодствующей сына.

О преславных вещей Христова Предтечи! иже прежде пелен познав, пленицы наша разрешшаго, и народы освяща, днесь от Елисавети родився, разрешает отцу глас.

Богородичен: Тя, Божие вместилище, и мысленную лествицу, еуже сниде Бог, и воображься, наше убо существо на Небеса возведе, вси яко спасению Ходатаицу восхваляем.

Катавасия: Отверзу уста моя, / и наполнятся Духа, / и слово отрыгну Царице Матери, / и явлюся светло торжествуя, / и воспою радуяся Тоя чудеса.

Песнь 3.

Ирмос: Не мудростию, и силою, / и богатством хвалимся, / но тобою Отчею Упостасною мудростию, Христе: / несть бо свят паче Тебе, Человеколюбче.

Владычне убо от Девы совершается рождение: но раба любезна, от старицы и неплодныя матер: в лепоту предтичет убо чудо чудеси.

Старица и неплоды Деву Матерь лобзает, познавши неложно Сея Рождество: яко разрешился союз неплодства, Божественным хотением.

Богородичен: Неискусобратно Бога воплощенна рождши, страстей прилоги обуреваемого мя утверди: несть бо Пречистая, разве Тебе помощницы.

Ин.

Ирмос: Утверждай гром, и созидай дух, / утверди мене, Господи, / да Тя пою истинно, / и творю волю Твою, / яко несть свят, яко Ты, Боже наш.

Елисавет прежде неплоды сущи, Христе, Церковь Твою проображаше яже от язык, и рождши преславно, паки показывает многочадну, неплоды явльшуся иногда.

Пути убо исправль Господни, стезю проуготовав, покаяния же плоды показал еси человеком: и жизненному научил еси пути, пророче и проповедниче Христов.

Елисавет днесь играючи носит тя, Предтече, на объятиях состаревшихся, и вопиет хвалящихся: несть свят, якоже ты, Господи Боже наш.

Богородичен: Праотцев разрешила еси печаль, радость нам Рождшая, Животодавца и Избавителя, Егоже, Пречистая Богородице, прилежно моли, спаситися стаду Твоему.

Катавасия: Твоя песнословцы Богородице, / живой и независтный источниче, / лик себе совокупльшия, духовно утверди, / в божественней Твоей славе / венцев славы сподоби.

Седален, глас 8.

Подобен: Повеленное:

Захариин глас светло разреши, / словесе глас рождся Предтеча, / и закона неплодие всем показа, зовый: / покайтесь сущии на земли, / се бо прииде и явися Иисус, / вся хотя избавити от первыя клятвы, / просвещая крещением, / воистинну чудо преславно!

Слава, глас 4:

Подобен: Удивися:

Якоже солнце светло из чрева Елисавети / возсия нам Захариин сын, / и отче разреши безгласие: / и всем людям в дерзновении мнозе, / исправите, вопия, путь Господень: / ибо Той свободит, / и спасет к Нему притекающыя. / Егоже проповедал еси, Иоанне, / моли спаситися душам нашим.

И ныне, Богородичен:

Обновила еси, Чистая, / Божественным Рождеством Твоим, / истлевшее во страстех земнородных мертвенное существо: / и воздвигла еси вся от смерти к животу нетления. / Темже Тя по долгу блажим вси Дево, Препрославленная, / якоже прорекла еси.

Песнь 4.

Ирмос: Седяй в славе, / на престоле Божества, / во облаце легце, / прииде Иисус Пребожественный, / нетленную дланию, и спасе зовущыя: / слава, Христе, силе Твоей.

Таин неизреченных предходит таинство, новосечением законоположения естественнаго, болезни разрешение провозвещающе, исправление сея, Христе, и обожение.

Исаиа от Отца Сыну пророчествова, воплотится хотящему, Ангела земнородна равноангельна: се аз посылаю пред лицом Твоим, зовуща: слава, Христе, силе Твоей.

Служити яко раб Владыце родихся: на се бо приидох, Сего возвестити Пришествие: яко да Девы Рождество предуверит преславно неплодствующая старица прозябши.

Богородичен: Святая Богородица, в Нюже вселитися благоизволи, яко во благовонен дом, Слово Отчее Пребожественное, не растлеса утробою, ни поболе: ибо роди Еммануила, Бога и Человека.

Ин.

Ирмос: Услышах славное смотрение Твое, Христе Боже, / яко родился еси от Девы, / да от лести избавиши зовущыя: / слава силе Твоей, Господи.

Покаяние отверзся твоим Рождеством, Предтече и проповедниче. Ты бо един проповедал еси, взывая: покайтесь, Царство Небесное приблизися.

Девство утверждается, и целомудрие торжествует, пустыня веселится, и мир празднует, рождеством твоим, Предтече.

Елисавет радуется, и Захариа вещает паки: оба убо обновляются по старости, **Иоанновым абие гласом, и просвещаются.**

Богородичен: Неопалимую купину Тя законоположник зряше древле: Даниил же гору Святую смотряше, едина Мати Дево Владычице.

Катавасия: Седяй в славе, / на престоле Божества, / во облаце легце, / прииде Иисус Пребожественный, / нетленною дланию, и спасе зовущыя: / слава, Христе, силе Твоей.

Песнь 5.

Ирмос: Ныне встану, пророчески рече Бог, / ныне прославлюся. / Ныне вознесуся, / падшаго прием от Девы, / и к свету умному возносяй Моего Божества.

Земля израсти всеистинна проповедника, гласа всем проповедающа, языком Духа, Девы Сына, правду с Небесе на нас приничущую вещью телесною.

Положи Господь всеистинна светильника тя Христова, вся просвещающаго, едины одевающа враждующыя ему, яко ризою в студ, неложно Божия слова Сына проповедающа.

Веселится вся тварь, твоим Рождеством Божественне: ты бо землен Ангел Предтече, и небесный человек показался еси, Небеснаго Бога провозвещаая нам воплощенна.

Богородичен: От Тебе раждается, от Отца сый, с Тобою присно, Слово Присносущное и Нераздельное, яко Сын Единородный: и напоследок от Девы, Тойже от Святаго воплощается Духа.

Ин.

Ирмос: Возсияй ми, Господи, / свет повелений Твоих, / яко к Тебе Дух мой утренюет, и поет Тя: / Ты бо еси Бог наш, / и к Тебе прибегаю, / Царю мира.

Звезду проуготовал еси, правды солнце, Крестителя Твоего Иоанна, от обещания рожденнаго днесь, и рождшаго разрешша глас.

Не вещай, не сопротив глаголи, старче освященне: Гавриил бо глаголет ти, первый во Архангелех, Божия таинства, и еже к нам Того снитие сказую.

Старче не неверуй, Бог бо обещавает, яко в старости родиши сына, егоже о Рождестве мнози возрадуются: той бо приидет силою Илииною.

Пророче, проповедниче, Предтече, еже от неплоды прозябение, возвестителю покаяния, пустынное овча, света светильниче, о всех моли чтущих тя верно.

Богородичен: Яко дверь непроходиму, и купину неопалиму, и несекому гору, от Неяже Камень усечеса, Иже из Тебе Воплощаемый: воспевает Владычице, Мати всех Творца.

Катавасия: Ужасошася всяческая / о божественной славе Твоей: / Ты бо Неискусобрачная Дево, / имела еси во утробе над всеми Бога, / и родила еси Безлетнаго Сына, / всем воспеваящим Тя / мир подавающая.

Песнь 6.

Ирмос: Приидох во глубины морския, / и потопила мя есть буря многих грехов: / но яко Бог из глубины возведи живот мой, / Многомилостиве.

Бога Слова познал еси яко пророк, в матерней утробе, и сея языка употребив, богословиши в темне чертозе, обожаемъ светом неприступным.

Немолчно, яко глас вопиющаго, Избавителя мiра Крестителю моля не престай, душевное разрешити неплодие, поющих твое Рождество.

Богородичен: Неприступнаго Божества селение, Чистая Твоя утроба явися, о Богородице: на нюже без боязни небеснии чинове взирати не могут.

Ин.

Ирмос: Буря мя помышлений постигши, / во глубину низвлечит мя безмерных грехов: / но Ты, Управителю Благий, / предварив управи яко пророка, / и спаси мя.

Днесь пустынный гражданин Иоанн раждается, покаяния проповедник, и благодати свидетель истинен, Предтеча слова, и свету предсияющая звезда.

Днесь секира исковавшись, посечение предлагает душам неплодия, и насаждает плоды добродетельныя: предъидет твердо, в Рождестве твоём, Предтече.

Возрадовася Иордан преславно, и играет научаяся, Иоанна слышя от неплодна рождена чрева, море же ликует водными игрании.

Светильник света пришествие предтек, проповеда Агнца Божия Спаса, свет возсиявшаго земли, естества же всего духовне преджрена.

Богородичен: Бездну милости Рождшая, страстей моих бездну пучиною щедрот Твоих потопивши, тучу от души подаждь ми слез, Богородительнице Всенепорочная.

Катавасия: Божественное сие и всечестное / совершающе празднество / богомудрии Богоматере, / приидите руками восплещим, / от Нея рождшагося Бога славим.

Кондак, глас 3:

Подобен: Дева днесь:

Прежде неплоды, днесь Христова Предтечу раждает / и той есть исполнение всякаго пророчества: / егоже бо пророцы проповедаша, / на сего во Иордане руку положив, / явися Божия Слова пророк, проповедник, / вкупе и Предтеча.

Икос: Восхвалим ныне Господня Предтечу, егоже священнику Елисавет роди, из ложесн неплодных, но не без семене: Христос бо един вместилище пройде непроходимо без семене. Иоанна неплоды роди, без мужа же сего не роди: Иисуса же, осенением Отца и Духа Божия, Дева роди Чистая. Но Безсеменному явися от неплодных, пророк и проповедник, вкупе и Предтеча.

Песнь 7.

Ирмос: Юноши три в Вавилоне, / веление мучителево на буйство преложше, / посреде пламене вопияху: / благословен еси, Господи Боже отец наших.

Бяше первее во мраце всяко земнородных естество, о Предтече! но утро вопия явился еси: благословен еси, Господи Боже отец наших.

Недуговавшее исцели естество все, славное от неплодных твое Рождество, научившее Предтече, пети: благословен еси, Господи Боже отец наших.

Родился еси, Предтече, от неплодных, прииде бо всеистинно, закону неплодствующу благодать, Христу поющи: благословен еси, Господи Боже отец наших.

Богородичен: Дево Благословенная, моли о нас молящих Тя: на Тя бо уповаем вси, и Тебе вопием: Владычице, не презри рабов Твоих.

Ин.

Ирмос: В пещи авраамстии отроцы персидстей, / любовию благочестия паче, / нежели пламенем опаляеми, взываху: / благословен еси в храме славы Твоя, Господи.

Захариа умолчав на время, возвести молчание писанием: и паки провещав Рождеством твоим, Предтече, Духа благодать возвещает преславно.

Церкви подобится неплоды безчадная, Елисавет всечестная, яже первее убо сущи требами и скварами очернена, ныне же хвалящися и добротою и рождением.

Предтечи Рождеством острится днесь секира духовная, еюже вся посекаются страстей зыграна, тайно же процветают плоды покаяния.

Яко ветхаго и новаго ходатая тя, Предтече, и стези исправляюща Христовы, очищающаго согрешений гумно духовною лопатою, почитаем, Иоанне.

Иже пред солнцем текшаго, Христом Богом нашим, Иоанна славнаго, яко звезду, Предтечу и покаяния проповедника, воспоем вси от неплодныя прошедшаго.

Богородичен: Во чрево Твое Дево безсеменно всельшася, и рождшася за неизреченное и конечное смирение, и нас ради обнищавша, о всех молити не престай, Богородице.

Катавасия: Не послужиша твари богомудрии / паче Создавшаго, / но огненное прещение мужески поправше, / радовахуся поюще: / препетый отцев Господь и Бог благословен еси.

Песнь 8.

Ирмос: Избавителю всех, Всесильне, / посреде пламене благочествовавшая, / снизшед оросил еси, / и научил еси пети: / вся дела, благословите, пойте Господа.

Законоположник раб бяше Моисей, Иисус же Бог завета новаго. Ныне же обоих Предтеча поет, яко ходатай: вся дела, благословите Господня Господа.

От пуста чрева горлица прииде, яко Богосажденная дубрава ныне принесе церкви, Предтечу Христову, и воспевае: вся дела, благословите Господня Господа.

Богоноснии людие, язык свят, горлице Христовей уподобитесь, и медоточно воспойте, в целомудрии живуще: вся дела, благословите Господня Господа.

Троицен: Тричисленным светом озаряеми, несозданное Единое Божество, немолчными усты православно вопиюще почтим: вся дела, благословите Господня Господа.

Ин.

Ирмос: Всяческая, Владыко, / премудростию Твоею составил еси, / земли же паки утвердил еси, / якоже веси, дно, основанием водрузивый на водах безмерных. / Тем вси вопием, воспевающе: / благословите дела Господня непрестанно Господа.

Познал еси, Предтече, емуже поклонился еси прежде Рождества, и прежде плен твоих, Христа жизнедавца, и възыграньи показал еси Сего, Господа твоего нарек, взаим взем матерний язык, к пению Христа Бога нашего.

Концы днесь вселенстии предпразднуют: радуются Ангели и дуси праведных, живущии веселятся: умершии же паки Иоанну рождшуся, приемше им проповедь всех Спаса Господа.

Подобяся днесь Иоанну Иордан мокрыми быстринами играше преславно: слыша раждаема равноангельнаго житием, от старицы неплодны: исправляющаго пути и стези Господни, и мир крестившаго.

Начерта днесь Захариа на досце имя Богонареченное пророка и Предтечи, молча же воззва: Иоанн да наречется рождейся мне на старость. Подобно есть от обещания рождшемуся, странное звание.

Богородичен: Крепко утешение, и непостыдну надежду, стену необориму, и Божественно предстательство, людие Твои имут Тя, иже Тя славят, Дево, и спасаеми зовут прилежно: благословите, вся дела Господня, непрестанно Господа.

Катавасия: Отроки благочестивыя в печи, / Рождество Богородичо спасло есть, / тогда убо образуемое, / ныне же действуемое, / вселенную всю воздвизает пети Тебе: / Господа пойте дела, / и превозносите Его во вся веки.

Песнь 9.

Ирмос: Сокровенное Божие неизреченное в Тебе совершается явственное таинство, Дево Пречистая: ибо Бог из Тебе воплотися за милосердие: темже Тя яко Богородицу величаем.

Се глас Предтечи, неплодным и пустым предста сердцам вопиющь: путь Христов ныне уготовите, яко во славе грядет, емуже повинующеся величаем.

Якоже древле Духом Пресвятым, яве проповедал еси Сына, Предтеча, Агнца Божия, міра вземлющаго грехи, стаду твоему согрешений разрешение испроси.

Троицен: Единицу Тричисленную, троицу Единосущную, православно поюще вернии прославим, Богодетельне нас озаряющую, и светлостьми незаходимаго Света исполняющую души наша.

Богородичен: Всеми владычествующая творении, людем Твоим даруй победу одоления, непокориваго подложи под нозе императору: да Тя яко Богородицу величаем.

Ин.

Ирмос: Яко сотвори мне величия сильный, / и свято имя его, / милость его в род и род боящимся его.

В тебе великое се и преславное Бог сотвори знамение, священниче: по старости бо Сына, и по умерщвлении удов, раждаеши Предтечу.

Да слышат неплоды, и да воспоят Бога, се бо Елисавет вопиет: по старости сына, и по умерщвлении удов, раждаю Предтечу.

Веселися Захариа, и радуйся ныне о Бозе: се бо Елисавет сосцы питает, по старости сына, и по умерщвлении удов, раждает Предтечу.

Слава давшему неплодней по старости плод, старцу и пророку сына, готовяща ему люди совершенны, Божественнаго Предтечу.

Богородичен: В Тя вселився, Иже в недрах Сый Отческих, родися без страсти и тли, и приведе нас за милосердие Отцу и Божественному Духу.

Катавасия: Всяк земнородный / да възиграется Духом просвещаемь, / да торжествует же безплотных умов естество, / почитающее священное торжество Богоматере, / и да вопиет: / радуйся всеблаженная / Богородице, Чистая Приснодево.

Светилен:

Подобен: Жены услышите:

Предтечево днесь радостотворное рождение, сетование решит отча безгласия, и рождшия неплодство: возвещает же настоящую радость и веселие. Темже и вся тварь светло тое празднует. **[Дважды]**

Богородичен: Подобен:

Пророцы проповедаша, апостоли научиша, и мученицы Богомудренно Твоего Сына, Богородице, ясно исповедаша, Бога всех, Пречистая. с нимиже Тя величаем, Тобою избавльшися древняго осуждения.

На хвалитех стихирь на 4, глас 8.

Подобен: О преславнаго чудесе!

О преславнаго чудесе! / из престарелыя матере, Божия слова провозвестник, / Иоанн днесь произыти тщится, / связанный язык яснейше рождеством глаголати являет. / О неизглаголаннаго твоего смотраения Владыко! / Имже, Христе, спаси души наша, / яко Един Милосерд.

О преславнаго чудесе! / В рожденных женами, пророк же превышший, / матерняго неплодства разрешает осуждение, / иже Духом и силою пришед Илииною, / путь Господень исправи. / О неизглаголаннаго Твоего благоутробия, Владыко! / Имже, Христе, спаси души наша, / яко Един Милосерд.

О преславнаго чудесе! / Проповедавый Христово к человеку истощание, / превыше показывает всех Того гласом, / и рождшия разрешает неплодие Силою Божественною, / и Захариин язык. О великих Твоих чудес, Владыко! / Имиже, Христе, спаси чтущыя Твоего великаго Предтечу.

О преславнаго чудесе! / В рожденных женами пророк и Предтеча превыше является: / пророков же превышший, / и пришествия Христова предвозвестник, / предвыгравый во утробе матерни. / О зело великих твоих дарований Человеколюбче! / Имиже, Христе, спаси души наша, яко Всесилен.

Слава, глас 6.

[Анатолиево:]

Звезда звезд Предтеча / от неплодныя утробы / на земли раждается днесь, / Иоанн Боговожденный, / и Христову являет зарю, / восток свыше, / в правое верных прехождение.

И ныне:

Богородице, Ты еси лоза истинная, / возрастившая нам Плод живота, / Тебе молимся: молися, Владычице, / со святыми апостола, / помиловати души наша.

Славословие великое. И отпуст.

НА ЛИТУРГИИ

Блаженна, Предтечи перваго канона, песнь 3-я, на 8:

1. Владычне убо от Девы совершается рождение: но раба любезна, от старицы и неплодныя матери: в лепоту предтичет убо чудо чудеси.
2. Старица и неплоды Деву Матерь лобзает, познавши неложно Сея Рождество: яко разрешися союз неплодства, Божественным хотением.
3. Елисавет прежде неплоды сущи, Христе, Церковь Твою проображаше яже от язык, и рождши преславно, паки показывает многочадну, неплоды явльшуся иногда.
4. Пути убо исправль Господни, стезю проуготовав, покаяния же плоды показал еси человеком: и жизненному научил еси пути, пророче и проповедниче Христов.
5. Бога Слова познал еси яко пророк, в матерней утробе, и сея языка употребив, богословиши в темне чертозе, обожаемь светом неприступным.
6. Немолчно, яко глас вопиющаго, Избавителя мiра Крестителю моля не престай, душевное разрешити неплодие, поющих твое Рождество.
7. Днесь пустынный гражданин Иоанн раждается, покаяния проповедник, и благодати свидетель истинен, Предтеча слова, и свету предсияющая звезда.
8. Днесь секира исковавшись, посечение предлагает душам неплодия, и насаждает плоды добродетельныя: предъидет твердо, в Рождестве твоём, Предтече.

Тропарь, глас 4:

Пророче и Предтече пришествия Христова, / достойно восхвалити тя недоумеем мы, любовию чтущии тя: / неплодство бо рождшия и отчее безгласие разрешися, / славным и честным твоим Рождеством, / и воплощение Сына Божия мiрови проповедуется.

Кондак, глас 3:

Прежде неплоды, днесь Христова Предтечу раждает / и той есть исполнение всякаго пророчества: / егоже бо пророцы проповедаша, / на сего во Иордане руку положив, / явися Божия Слова пророк, проповедник, / вкупе и Предтеча.

Прокимен, глас 7:

Прокимен: Возвеселится праведник о Господе * и уповает на Него.

Стих: Услыши, Боже, глас мой, вегда молити ми ся к Тебе.

Апостол к римляном, зачало 112.

Братие: Нощь оубо прейде, а день приближиса: Шложимъ оубо дѣла тѣмная, и ѡблечемса во ѡрѡжїе свѣта. **И**акъ во дни, благообразно да ходимъ, не козлогласованїи и пїанствы, не люבודѣанїи и стѡдодѣанїи, не рвенїемъ и завистїю: но ѡблецытеса гдѣмъ нашими иисъ хрїтомъ, и плѡти оугодїа не творите въ похоти. **И**знемогающаго же въ вѣрѣ прїемлите, не въ сомнѣнїе помышленїи. **О**въ во вѣрдетъ їасти всѧ, а изнемогаѧи зєлїа да їастъ. **И**адыи не їадѣцагѡ да не оукарѣетъ: и не їадыи їадѣцагѡ да не ѡсѡдѡдѣетъ: бгѣ во єгѡ прїатъ. **Т**ы ктѡ єси сѡдѡдѣи чѡждємѡ равѡ; Своємѡ гдѣви стоїтъ, ииї падаетъ. Станетъ же, силенъ во єсть бгѣ постѡвити єгѡ.

Аллилуиа, глас 1: Благословен Господь Бог Израилев, яко посети и сотвори избавление людем Своим.

Стих: И ты, отроча, пророк Вышняго наречешися.

Евангелие Ѡ Луки, зачало 3

По сіхъ же днєхъ зачатъ єлїсаветъ женѡ єгѡ, и таѡшєса мѡцѣ плѡтъ, глаголющи: **И**акъ таѡкъ мнѣ сотвори гдѣ во дни, въ нѡже призрѣ ѡѡти поношенїе моє въ чєловѣцѣхъ. **Є**лїсавети же испѡниса врємѡ родїти єй, и роди сына. **И** слышаша ѡкрестъ живѡцїи и оужики єѡ, **И**акъ возвеличїа єсть гдѣ мїтѣ своѡ съ нєю: и радовахсѡ съ нєю. **И** высть во ѡсмый дєнь, прїнѡша ѡврѣзати ѡтрѡчѡ, и нарицѡхъ є именємъ ѡтца єгѡ, захарїю. **И** ѡвѣщѡвши мѡти єгѡ речє: нї, но да наречєтсѡ їѡаннъ. **И** рѣша къ нєй, **И**акъ никтоже єсть въ родствѣ твоємъ, **И**же нарицѡетсѡ именємъ тѣмъ. **И** понавѡхъ ѡтца єгѡ, **Є**же кѡкъ бы хотѣлѡ нарицїи є. **И** испрѡшь дцїицѡ, написѡ, глагола: їѡаннъ вѡдетъ ииѡ ємѡ. **И** чѡдѡхсѡ всї. **Ѡ**верзѡшасѡ же оустѡ єгѡ ѡвїе и ѡзыкъ єгѡ, и глаголаше благословѡ вѣѡ. **И** высть на всѣхъ стѡрахъ живѡцихъ ѡкрестъ ихъ: и во всєй странѣ їѡдєйстѣѡ повѣдаєми вѡхъ всї глаголи сїи. **И** положиша всї слышавшїи въ сєрдцы своємъ, глаголюще: чтѡ оубѡ ѡтрѡчѡ сїє вѡдетъ; **И** рѡка гдѣна вѣ съ нїмъ. **И** захарїѡ ѡтєцъ єгѡ испѡниса дѡха стѡ, и прѡрѡчєствова, глагола: влївєнъ гдѣ бгѣ иїлєвъ, **И**акъ постѣти и сотвори избавленїе людемъ своимъ: **И** ты, ѡтрѡчѡ, прѡрѡкъ вышнѡгѡ наречєшисѡ: прєдїдєши во прєд лицємъ гдѣнимъ, оугѡтѡвати пѡти єгѡ, **О**трѡчѡ же растѡше и крѣплѡшєса дѡхомъ: и вѣ въ пѡстынєхъ до днє їавленїѡ своєгѡ ко иїлю.

Причастен: В память вечную: